



JAVNO PREDUZEĆE ŽELJEZNICE FEDERACIJE BOSNE I HERCEGOVINE
društvo sa ograničenom odgovornošću SARAJEVO
71 000 Sarajevo, Musala 2

Reg.br. 065-0-Reg-06-000614 od 28.12.2006. godine kod Općinskog suda u Sarajevu; Glavni račun: KM 3389002207823509, DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar; Računi za redovno poslovanje: KM 1549212001826340, DEVIZNI-IBAN: BA39+50101200-875115 SWIFT: UPBKBA 22 kod INTESA SANPAOLO BANKA d.d. Bosna i Hercegovina; KM 1010000051807253, DEVIZNI-IBAN: BA39+1010000051807253, SWIFT: PBSCBA 22, kod PRIVREDNA BANKA SARAJEVO d.d. Sarajevo; KM 1990490075973745 kod SPARKASSE BANK d.d. Bosna i Hercegovina; KM 1020500000088171, DEVIZNI-IBAN: BA39+1020500000088171 SWIFT: UBKSBA 22 kod UNION BANKA d.d. Sarajevo; ID broj: 4200450270001; PDV broj: 200450270001; Porezni broj: 01071112

Broj: UD-14560-1-2.7.1./2025

Datum: 06.08.2025.godine

Mjesto: Sarajevo

Na osnovu člana 70. stav (3), a u vezi sa članom 64. stav (1) tačka a) Zakona o javnim nabavkama ("Službeni glasnik BiH" broj: 39/14, 59/22 i 50/24), člana 58. Statuta JP ŽFBiH d.o.o. Sarajevo ("Službene novine FBiH" broj: 27/06, 5/08, 49/08, 57/09, 59/11, 92/12, 58/15, 24/17, 68/22 i 83/23), člana 19. Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine JP ŽFBiH d.o.o. Sarajevo i Zapisnika o pregledu i ocjeni ponuda sa preporukom Komisije broj: 6309-1-1/2025 od 05.08.2025. godine, Uprava Društva na 48. sjednici, održanoj dana 06.08.2025. godine, donijela je

O D L U K U

o izboru najpovoljnijeg ponuđača za LOT-2

I

Ugovor za javnu nabavku usluga – Kompletiranje osovinskih sklopova i monoblok točkovi za vučena vozila, za LOT-2: Kompletiranje osovinskih slogova za vučena vozila, za potrebe JP Željeznice Federacije BiH d.o.o. Sarajevo, dodjeljuje se grupi ponuđača: TONELI d.o.o. Litija i METALKA TRADE d.o.o. Sarajevo u ukupnom iznosu od: 280.500,00 EURA bez PDV-a, odnosno 328.185,00 EURA sa PDV-om, što iznosi: 548.610,31 KM bez PDV-a, odnosno 641.874,06 KM sa PDV-om.

II

Ugovor se dodjeljuje na osnovu člana 64. stav (1) tačka a) Zakona o javnim nabavkama tj. u skladu sa kriterijem ekonomski najpovoljnije ponude.

III

Za realizaciju ove Odluke zadužuju se Ekonomski poslovi Društva - Sektor za nabavke i prodaju.

IV

Ova Odluka stupa na snagu danom donošenja.

O b r a z l o ž e n j e

Uprava Društva Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je Odlukom broj: UD-6287-1-2.3./2025 od 11.03.2025. godine odobrila pokretanje otvorenog postupka sa dodatnom objavom na engleskom jeziku za javnu nabavku usluga – Kompletiranje osovinskih sklopova i monoblok točkovi za vučena vozila, podijeljen na dva lota, kako slijedi:

LOT-1: Monoblok točkovi za vučena vozila,

LOT-2: Kompletiranje osovinskih slogova za vučena vozila, tender broj: UD-6309-1/2025.

Rješenjem VD Predsjednika Uprave - Generalnog direktora broj: 1-6608-1/2025 od 13.03.2025. godine, imenovana je Komisija za nabavke (u daljem tekstu: Komisija) koja je provela postupak javne nabavke u

UIC 50

Bosna i Hercegovina

JP ŽFBH d.o.o. Sarajevo Centrala: +387 33 657-313; Kabinet Predsjednika Uprave-Generalnog direktora: tel. +387 33 251-120, fax +387 33 652-396; Poslovi razvoja i investicija: tel. +387 33 617-754, fax +387 33 617-922; Željeznički operator: tel. +387 33 251-126, fax +387 33 610-038; Željeznička infrastruktura: tel. +387 33 251-120, fax +387 33 656-062; Ekonomski poslovi: tel. +387 33 251-123, fax +387 33 217-085; Pravni i kadrovski poslovi: tel. +387 33 251-123.

sljedećem sastavu: Mahir Demir – predsjedavajući – službenik za JN, Malik Rizvanović - član, Edin Jusić - član, Amila Sulejmanović – zamjenik člana i Eldar Mašić - član. Za sekretara Komisije imenovana je Edina Karić.

Obavještenje o nabavci je objavljeno na portalu javnih nabavki pod brojem: 1050-1-2-86-3-65/25. Sažetak obavještenja o nabavci objavljen je u „Sl. glasniku BiH“ broj 30, od 23.05.2025. godine.

Na osnovu člana 63. Zakona o javnim nabavkama ("Službeni glasnik BiH", broj: 39/14, 59/22 i 50/24) (u daljem tekstu: Zakon), Komisija je dana 01.07.2025. godine u 9:00 sati, izvršila javno otvaranje ponuda uz prisustvo predstavnika ponuđača TONELI d.o.o. Litija – Safet Lučkin. Do roka određenog za prijem ponuda, blagovremeno su zaprimljene 2 (dvije) ponude i to:

Za LOT-2:

1. Ponuda grupe ponuđača **TONELI d.o.o. Litija i METALKA TRADE d.o.o. Sarajevo** koji je ponudio sljedeće:

- Cijena: 280.500,00 EURA bez PDV-a, odnosno 328.185,00 EURA sa PDV-om, što iznosi: 548.610,31 KM bez PDV-a, odnosno 641.874,06 KM sa PDV-om,
- Uslovi i način plaćanja: 90 dana od dana izdavanja računa,
- Rok isporuke: 11 dana od dana narudžbe.

2. Ponuda grupe ponuđača **BH ING d.o.o. Sarajevo i ŠINVOZ d.o.o. Zrenjanin** koji je ponudio sljedeće:

- Cijena: 498.448,40 KM (bez PDV-a), odnosno 583.184,62 KM (sa PDV-om),
- Uslovi i način plaćanja: 60 dana od dana ispostavljanja fakture,
- Rok isporuke: 11 kalendarskih dana od dana prijema narudžbenice.

Komisija je izvršila pregled i ocjenu pristiglih ponuda, te konstatovala sljedeće:

Ponuda grupe ponuđača **TONELI d.o.o. Litija i METALKA TRADE d.o.o. Sarajevo** za LOT-2 je ocijenjena kao prihvatljiva na osnovu člana 2. stav (1) tačka I) pod 1) Zakona, jer ponuđač ispunjava sve kriterije za izbor najpovoljnije ponude iz tenderske dokumentacije, te je ponuda u skladu sa tehničkom specifikacijom.

Ponuda grupe ponuđača **BH ING d.o.o. Sarajevo i ŠINVOZ d.o.o. Zrenjanin** za LOT-2 ocijenjena je kao neprihvatljiva na osnovu člana 2. stav I) tačka 1) pod 2) Zakona, iz sljedećih razloga:

-Tačkom 13.9. a) tenderske dokumentacije Ponuđač je bio dužan dostaviti spisak izvršenih ugovora ponuđača za LOT-2, usluga kompletiranja osovinskih sklopova za vučena vozila (50221300-3 - Usluge popravaka i održavanja osovinskih sklopova) za period ne duži od tri godine, računajući od dana objavljivanja Obavještenja o nabavci u predmetnom postupku, gdje za definisani period kumulativno u navedenim godinama mora postojati minimalno izvršenje usluge LOT-2 u vrijednosti od 550.000,00 KM, ukoliko ponuđač dostavlja ponudu samo za LOT-2.

- Tačkom 13.9. b) tenderske dokumentacije Ponuđač je bio dužan dostaviti potvrdu za uslugu kompletiranja osovinskih sklopova za vučena vozila (50221300-3 - Usluge popravaka i održavanja osovinskih blokova) LOT-2, koje su izdali primaoci robe/usluge o uredno izvršenim ugovorima ponuđača, za sve ugovore koji su navedeni na spisku izvršenih ugovora, a koje obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takve potvrde iz objektivnih razloga ne mogu dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočavanje dokaza o učinjenim pokušajima da se takve potvrde osiguraju.

Ponudač je dostavio spisak izvršenih ugovora održavanja vagona cisterni u kojem je navedeno da obuhvataju radove na održavanju i popravci osovinski sklopova, što se ne odnosi konkretno na usluge popravaka i održavanja osovinskih sklopova (50221300-3 - Usluge popravaka i održavanja osovinskih blokova) kako je traženo tačkom 13.9. a) tenderske dokumentacije.

Potvrda za uslugu kompletiranja osovinskih sklopova za vučena vozila (50221300-3 - Usluge popravaka i održavanja osovinskih blokova) - LOT- 2, koje su izdali primaoci robe/usluge o uredno izvršenim ugovorima ponuđača se također odnosi na usluge održavanja vagona cisterni u kojoj je navedeno da obuhvataju radove na održavanju i popravci osovinski sklopova što se ne odnosi konkretno na usluge popravaka i održavanja osovinskih sklopova (50221300-3 - Usluge popravaka i održavanja osovinskih blokova) kako je traženo tačkom 13.9. b) tenderske dokumentacije.

Tačkom 3.4. tenderske dokumentacije propisano je: Na osnovu člana 52. stav (12) Zakona, u predmetnom postupku javne nabavke ponuđač potvrđuje da podnosi svoju ponudu bez narušavanja tržišne konkurencije u smislu zabranjenih dogovora sa drugim ponuđačima. Za postupke zaštite tržišne konkurencije ponuđač potvrđuje da je upoznat o nadležnosti Konkurencijskog vijeća Bosne i Hercegovine i da u slučaju postojanja osnova sumnje da se u predmetnom postupku javne nabavke narušava tržišna konkurencija, zahtjev za pokretanje postupka pred Konkurencijskim vijećem Bosne i Hercegovine može podnijeti svako privredno ili fizičko lice koje za to ima pravni ili ekonomski interes. Navedeno u ovom stavu ponuđač potvrđuje u ponudi dostavljanjem izjave na memorandumu ponuđača potpisane i opečaćene od strane ponuđača u kojoj se navodi da je upoznat u cijelosti sa predmetnim stavom te da isti na bilo koji način ne narušava tržišnu konkurenciju u predmetnom postupku javne nabavke. Ponuđač u ponudi nije dostavio traženu izjavu.

Tačkom 3.5. tenderske dokumentacije propisano je: Na osnovu člana 72. stav (6) Zakona, ugovorni organ u ugovoru obavezno postavlja uslov da ponuđač kojem je dodijeljen ugovor o javnoj nabavci nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora. U skladu sa članom 72. stav (6) Zakona ponuđač je dužan u ponudi dostaviti izjavu na memorandumu ponuđača potpisanu i opečaćenu od strane ponuđača kojom se potvrđuje da ponuđač ukoliko mu bude dodjeljen ugovor po ovom postupku javne nabavke neće zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora. Ponuđač u ponudi nije dostavio traženu izjavu.

Tačkom 13.1. tenderske dokumentacije propisano je: Ponuđači moraju uz ponudu dostaviti važeći dokaz o registraciji u odgovarajućim profesionalnim ili drugim registrima u zemlji u kojoj su registrovani ili dostaviti posebnu izjavu ili potvrdu nadležnog organa (sud, organa uprave i sl.) kojom se dokazuje njihovo pravo da se profesionalno bave određenom djelatnošću, a koja je u vezi sa predmetom nabavke. Ponuđači dokazuju registraciju u odgovarajućim profesionalnim ili drugim registrima dostavljajući u ponudi važeći aktuelni izvod iz sudskog registra ili ako ovo nije moguće važeći ekvivalentni dokument i to u formi originala izdatog i ovjerenog od nadležne institucije, organa uprave i sl. ili kopije navedenih originala ovjerene od strane nadležne institucije (notar, organ uprave i dr.) kojom se potvrđuje identičnost originala i kopije. Zatim Uvjerenje o poreznoj registraciji, Obavještenje o razvrstavanju pravnog lica prema klasifikaciji djelatnosti, Uvjerenje o registraciji u jedinstveni registar obveznika indirektnih poreza (ukoliko ponuđač nije registriran za indirektno poreze dostavlja potvrdu da isti nije registriran za obaveze indirektnih poreza), sa datumom izdavanja koji može biti stariji od tri mjeseca, ili ekvivalentni dokument koji izdaje institucija iz zemlje iz koje ponuđač dolazi, i to u formi originala izdatog i ovjerenog od nadležne institucije, organa uprave i dr. ili kopije navedenih originala ovjerene od strane nadležne institucije (notar, organ uprave i dr.) kojom se potvrđuje identičnost originala i kopije. Ponuđač u ponudi

nije dostavio Uvjerjenje o poreznoj registraciji, Obavještenje o razvrstavanju pravnog lica prema klasifikaciji djelatnosti i Uvjerjenje o registraciji u jedinstveni registar obveznika indirektnih poreza.

Ponuda se odbacuje u skladu sa članom 68. stav 4) pod i) Zakona, jer ista nije potpuna i ne ispunjava zahtjeve iz tenderske dokumentacije.

Cijeneći navedeno, Komisija je utvrdila da su ispunjeni zakonski uslovi za nastavak postupka nabavke i dodjelu ugovora, te je u skladu sa članom 19. stav (1) Pravilnika o javnoj nabavci roba, usluga i radova broj: UD-24662-1-3./2022. godine JP ŽFBiH d.o.o. Sarajevo, dala p r e p o r u k u Upravi Društva za donošenje Odluke o izboru najpovoljnijeg ponuđača za LOT-2: Kompletiranje osovinskih sklopova i monoblok točkovi za vučena vozila, tender broj: UD-6309-1/2025 i to grupi ponuđača: TONELI d.o.o. Litija i METALKA TRADE d.o.o. Sarajevo u ukupnom iznosu od: 280.500,00 EURA bez PDV-a, odnosno 328.185,00 EURA sa PDV-om, što iznosi 548.610,31 KM bez PDV-a, odnosno 641.874,06 KM sa PDV-om, a u skladu sa članom 64. stav (1) tačka a) Zakona, tj. u skladu sa kriterijem ekonomski najpovoljnije ponude.

Uprava Društva je prihvatila preporuku Komisije, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi, putem ugovornog organa, u roku od 10 (deset) dana od dana prijema iste, a u skladu sa članom 99. i 101. Zakona.

Dostaviti:

- Željeznički operator,
- Željeznička infrastruktura,
- Sektor plana, analize i raspoređivanja prihoda,
- Sektor za nabavke i prodaju/x2,
- Ponuđač x2,
- Uz Zapisnik,
- a/a.

Po ovlaštenju VD Predsjednika Uprave-Generalnog direktora
broj: I-13851-1/2025 od 22.07.2025.godine



Izvršnog direktora za poslove željezničke infrastrukture
Dejan Kvesić, M.Arch.